

*Martinum vitam produxisset aliquot annis post Stephani obitum, qui septem tantum mensibus sedem tenuit, eamque Paschali successori suo reliquit anno DCCCXVII. Consecratio tamen Petronacis non potest differri ultra annum tertium Eugenii, Christi DCCCXXXVI., quo ipse prior subscripsit in Concilio Romæ habito sexaginta trium Episcoporum. Quare ejus Episcopatus initia recidunt in posteriores annos Paschalis, qui sedit post Stephanum, & ante Eugenium septem annis, & aliquot mensibus, proindeque circa DCCCXXII. collocanda, & hac temporum ratione firmata, elevatio Corporis Maximiani ad DCCCXXXVII referenda est, de qua scribebat Agnellus circa annum DCCCXXXIX., sicut & de Petri Senioris actis, cum jam à Gregorio IV. Georgius in Archiepiscopum Ravennatem fuerat consecratus. Verùm quæ præcedunt Vitæ, scripta necessario sunt ante aliquot annos. Id ex eo agnosco, quod in vita Aureliani, ubi se improbe vexatum multis lamentatur à Consecratoribus Auctor, ut Pontificale jam cœptum finiret, inter cætera hæc de sua ætate dicit: hodie denique sexgero lustra duobus insuper annis, & bis quinos menses, ex quo lumen recepi, de vulva Matris meæ egressus sum. Hæc autem aptari nequeunt anno memorato DCCCXXXIX., etenim in Vita Martini ait, eum sibi dedisse Monasterium S. Mariæ in Blachernis; nec enim consentaneum est ejus narrationi, postremis Martini annis id factum fuisse, cum post earum rerum seriem, mortem Pipini Longobardorum Regis, & Caroli Magni, ac cætera ad Martini vitam spectantia, plura addat soli Leonis Pontificatus aptabilia. Cum autem Leo anno DCCCXVI. obierit, Agnellus S. Mariæ ad Blachernas Ecclesiam obtinuisse ætatis sue annum agens vix septimum. Si autem circa annum DCCCXII. statuamus Agnellum agentem annum ferè quartumdecimum (cum se ipse adhuc puerum aicat) Ecclesiam laudatam obtinuisse, consequens fit, ut Aureliani vitam scriberet circa annum Domini DCCCXXIX., agens ætatis sue annum trigésimum tertium, decimo ejusdem mense corrente. Huic anno conveniunt characteres omnes à Scholastico designati, etenim Gregorius IV. Romanus Pontifex sedebat; imperabant Ludovicus, & Lotharius; ac Petronax Archiepiscopum Ravennatem agebat. Eo ipso tempore consequens est versus hoc exaratos fuisse, quibus opus tantum cœptum, nec finiendum, nisi post plures annos laudaretur, addendi gratiâ Auctori stimulus, segnius, quam Compresbyteri voluissent, procedenti. Versus illos*

Alterum ab undecimo, quem Presbyterumque beavit  
Summus is Antistes merito Sede Urbis optimæ.

*ita intellexi, ut ad Petronacem referrem, undecimum Ravenna Episcopum, numerando à Theodoro, qui post Ecclesiæ illius schisma, Romano Pontifici se submitit; at, ut fatear quod est, in hujusmodi explicatione minimè quiesco, alter enim ab undecimo non est undecimus. Nullus tamen commodior intellectus suppetit.*

Quis (1) cunctis sancto (2) sapientior isto,  
(3) Sacerdos  
Claruit ingenio, & natura? nomine dictus  
A puero Agnellus fuit, Andreaque juvenis  
Euge satus, cretusque nimis de stirpe superba,  
Euge. Ravenna dedit quantum, nullique secundum,  
Tom. II.

(1) Quis. Mur.  
(2) sancte. Mur.  
(3) iste. Mur.

A Formosum facie, verbo rutilum, ore loquacem,  
Corporis exiguum membris, sed mente capacem  
Quem magnum sensum, quamquam de corpore Paulum.

OBSERVATIO QUINTA.

**L**audatur hic Agnellus à Sacerdotio, ab ingenio, naturæque nomini respondente, à Stirpis, & Parentum generositate, qui Paulo comparatur, corpore quidem exiguo, sed mente grandi.

B Qualis inest cantilla canens Philomela suave  
Florigeris verno sylvis, cum gutture flexo  
Vociferans Coelum complet clamoribus altum,  
Stirpe fedens viridi; subter folio moderatrix (4)

Sub dio enim modulatur ovans, audire Viator,

Pastor, eques vigilans, cupientes dulcia cujus  
Carmina gratis ubique optant, & sedula curant,

Quam nequeunt unquam longo ullæ vincere cantu.

Talis & iste sedens tectis nimiumque superbis

Quæ Genitor procerus cessit sibi jure paterno  
Sede suburbanis Ravennæ, quæ vocitatur

C Antiquo Blacherna locis de nomine structa;  
In Genitricis honore Dei, Dominique Mariæ,

Qua lepidus Scriptor præfatus Pontificalis,  
Neglectoque diu fuspiras æstua tangens

Moliturque hians gratis tantæ dare se se  
Moli operis.

OBSERVATIO SEXTA.

**D**escripta illud ferunt, quod sicut Philomela  
in Sylvis verno tempore dulce melos canens  
cespide viridi sub dio sedens, mulcet aures, animumque Viatoris, Pastoris, Equitisque pertransentium gratis, cantus eo genere, quod dulcedine minimè æquari possit; ita Agnellus sedens sub tectis nimium superbis, idest admodum elegantibus, quæ Genitor procerus, generosus, cessit sibi jure paterno in suburbanis locis Ravennæ, ubi Ecclesiæ S. Mariæ antiquo de nomine ad Blachernas vocitata gratis meditatur expentium votis satisfacere, texens vice cantus, Historiam neglectam diu Pontificum Ravennatum. Quæ ad genus, & Vitam Agnelli, ac de Ecclesiæ Sanctæ Mariæ ad Blachernas dicenda hic fuissent, præmissi in libri totius Præfatione, minimè proinde repetenda.

D  
..... recolens monumenta Patrumque, Senumque  
Haud furdus natum auditor, sed mente volente  
Dicentis solers Mosis præcepta secutus,  
Poste tuos Patres tibi nam erant (5) Seniores  
Te multum, semperque petentem gesta priorum  
Atque Dei, Dominique tui miracula prisca  
Et visu, audituque monebunt vera dicentes.  
Tum Patriarcharum simul aggerat acta priorum

E

..... recolens monumenta Patrumque, Senumque

Haud furdus natum auditor, sed mente volente

Dicentis solers Mosis præcepta secutus,

Poste tuos Patres tibi nam erant (5) Seniores

Te multum, semperque petentem gesta priorum

Atque Dei, Dominique tui miracula prisca  
Et visu, audituque monebunt vera dicentes.  
Tum Patriarcharum simul aggerat acta priorum

C 2 Edi-

(4) modulatrix. Mur.  
(5) nunciis erant. Mur.